

SUBVENCIONS A ENTIDADES PRIVADAS PARA A POTENCIACION E MELLORA DO TURISMO DE SAUDE

CONVOCA

CONSELLERÍA DE CULTURA E TURISMO

OBXECTO

As subvencións reguladas por estas bases teñen por obxecto a mellora da infraestrutura turística da Comunidade Autónoma de Galicia mediante a incentivación a entidades privadas para:

- Creación ou mellora de hoteis-balneario.
- Creación ou mellora de hoteis-talaso.

BENEFICIARIOS

As empresas autónomas ou as constituídas baixo calquera tipo de sociedade mercantil, civil ou comunidade de bens que reúnan os requisitos establecidos nestas bases e sexan titulares dos establecementos hoteleiros en que se poidan realizar os investimentos obxecto de subvención, segundo o establecido no artigo 1 destas bases.

REQUISITOS:

Os titulares dos hoteis que se subvencionen terán que ser propietarios dos inmobles ou predios obxecto de actuación ou ben ter unha disposición sobre eles, acreditada por calquera título válido en dereito, que permita realizar o investimento proxectado. O dito título de disposición terá que ser outorgado en escritura pública e inscrito no Rexistro da Propiedade. En calquera caso, o beneficiario da subvención terá o pleno uso e disfrute dos inmobles e/ou dos predios.

Será requisito imprescindible para a concesión destas axudas que a empresa solicitante teña inscrita, no Rexistro de Empresas e Actividades Turísticas da Xunta de Galicia, a actividade turística para a que se solicita a axuda, ou ben que a partir da entrada en vigor o 23 de febreiro de 2010 da modificación operada no artigo 28.4.º da Lei 14/2008, do 3 de decembro, de turismo de Galicia, pola Lei 1/2010, do 11 de febreiro, presentase a declaración responsable de inicio da actividade e o compromiso a que se refire o sinalado artigo

Non poderán obter a condición de beneficiario aqueles en que conorra algunha das circunstancias previstas no artigo 10 da Lei 9/2007, do 13 de xuño, de subvencións de Galicia. A acreditación de non estaren incurso nas ditas prohibicións realizarase mediante declaración responsable do interesado.

ACTUACIONES SUBVENCIONABLES

En concreto, poderán ser obxecto de subvención, de conformidade co que se establece nesta orde, os seguintes investimentos:

Liña A) de axudas destinadas a proxectos de creación de hoteis-balneario e de hoteis-talaso.

Liña B) de axudas destinadas a proxectos de mellora, remodelación ou modernización das instalacións. existentes nos establecementos hoteleiros hoteis-balnearios e de hoteis-talaso.

- Obras destinadas a conseguir a elevación de categoría do hotel.
- Obras destinadas á reconversión de cuartos en suites.
- Obras destinadas a mellorar as condicións de accesibilidade e supresión de barreiras para procurar facilidades a persoas con discapacidade física ou sensorial.
- Ampliación e mellora das instalacións termais e da zona dedicada a tratamentos.
- Investimentos destinados a facilitar as estadias con nenos: gardarías, actividades específicas para miúdos, etc.
- Mellora de garaxes ou aparcadoiros para uso exclusivo de clientes no mesmo predio en que se sitúe o establecemento.
- Implantación de tecnoloxías e sistemas de organización relativos á mellora da xestión nos establecementos.
- Obras destinadas á renovación, tecnificación e innovación que conduzan á implantación de sistemas de protección e mellora ambiental, tales como mellor uso e depuración de augas, emisións atmosféricas, vertedura de augas, xeración e tratamento de residuos sólidos e non sólidos, contaminación acústica, substitución de materiais, etc.

PRAZO

Ata o 21/07/2011

NORMATIVA

ORDE do 5 de maio de 2011 pola que se establecen as bases reguladoras para a concesión, en réxime de concorrencia competitiva, de subvencións a entidades privadas para incentivar o turismo mediante a creación e mellora de hoteis-balnearios e hoteis-talaso na Comunidade Autónoma de Galicia, e se procede á súa convocatoria para o ano 2011 (CT988A), cofinanciadas polo Fondo Europeo de Desenvolvemento Rexional no marco do Programa operativo Feder Galicia 2007-2013.(DOG nº 118 do 21 de xuño de 2011)

ENLACES

http://www.xunta.es/dog/Publicados/2011/20110621/AnuncioCA03-130611-3132_gl.html